

 Андижон вилояти ҳокимлиги расмий портали

Хонободда “Хан” электромобиллари ишлаб чиқарилади



Вилоят ҳокими Шуҳратбек Абдураҳмонов Ўзбекистон Республикаси Савдо-саноат палатасининг Андижон вилояти бошқармасида хорижлик сармоядорларни қабул қилди.

“Хонобод Кю Би Коин” масъулияти чекланган жамияти мутахассислари вилоятимизда турли русумдаги электромобилларни ишлаб чиқаришни йўлга қўйишни режалаштирган. Вилоят раҳбари хорижлик сармоядорлар билан суҳбат давомида ушбу лойиҳани тўлалигича қўллаб-куватлашини билдириб, уларга белгиланган имтиёз ва имкониятлардан фойдаланиш борасида тушунчалар берди. Айни чоғда корхона Андижонда фаолият бошлаганидан сўнг ишлаб чиқаришни маҳаллийлаштириш жараёнлари ҳақида сўз юритди. Вилоят ҳокими бугунги кунда бутун жаҳонда электромобиллар оммалашиб бораётгани ва айнан ушбу истиқболли лойиҳа замонавий, тежамкор ва энг асосийси, атроф-муҳитга зиён етказмайдиган транспорт воситаларининг вилоятимиз йўллари бўйлаб ҳаракатланишига замин яратишини таъкидлаб ўтди.

Дарҳақиқат, қувватини бир марта тиклаганидан сўнг 100-150 километр масофани босиб ўтиш имкониятига эга бўлган енгил ва юк автомобиллари, электробус, мотоцикл ва маҳсус техникалар кўпчиликда катта қизиқиши уйғотмоқда.

Шу билан бирга вилоят ҳокими ички ишлар идоралари ходимларига мўлжалланган маҳсус машинани Андижон шаҳри шароитида синовдан ўтказиш борасида топшириқ берди. Синов давомида аниқланган камчиликларни бартараф этилганидан кейин эса мана шундай ихчам, замонавий кўринишдаги маҳсус машиналар худудларнинг осойишталигини сақлашга муносиб ҳисса кўшади.□

“Хан” русумидаги электромобиллар ажойиб техник характеристика, замонавий қиёфага эга. Табиийки, бундай автомобиллар бензин ёки дизель ёнилғисига эҳтиёж сезмайди. Колаверса, оддий қуй шароитида қувватлантириш ҳам жуда осондир.

Хулоса ўрнида шуни айтиш мумкинки, вилоят раҳбари айнан шундай илгор, инновацион лойиҳаларни вилоятимизда амалга оширишга алоҳида эътибор қаратмоқда. Бу эса халқимизнинг замон билан биргаликда кадам ташлаб, аҳолининг турмуш тарзи ва фаровонлигини ошишига хизмат қиласи, десак муболага бўлмайди.

Андижон вилоят ҳокимлиги
Матбуот хизмати

www.andijan.uz



[Facebook](#) | [Twitter](#) | [Instagram](#) | [YouTube](#) | [Telegram](#)